

superiora et homines nulla quidem nova animata individua gignunt partitione sui ipsorum, sed semine viri et germine mulieris parato. Unde sequitur, germen mulieris et semen viri omnia continere, quae opus sint ad principium vitae individuale et functiones psychicas edenda. Quibus ex rebus intelligitur, principium psychicum, si res talis est, non cerebro tantum, verum etiam, etsi occultum, his partibus, quae a cerebro valde remota ab universo separari possunt, contineri. Cum igitur existentia animi non pendeat ex integro cerebri statu, nulla quoque mutatio status cerebri animam ipsam mutare, sed ad morbosas tantum actiones cogere potest.

Quod denique spectat ad principium vitae, videntur, quod quoque totius embryi creatio ante animi actionem perfectam comprobatur; animi actionem principio vitae non simul valente in corpore animali fieri non posse, quia vitae principium organismum cerebri ad animi actionem necessarium apparat atque conservat.

